



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vitae Sanctorvm**

**Lippeloo, Zacharias**

**Coloniae Agrippinæ, 1604**

Vita D. Mathiae Apostoli, Ioachimo Perionio, Benedictino Cormœriaceno  
auctore.

**urn:nbn:de:hbz:466:1-42667**

huiusmodi verba emisit; Habetis, inquit, fratres dilectissimi nobiscum pacem, si Ecclesie pacemaueritis, & dilectionis vnitatem seraueritis. Nec putetis pauca esse quae dixi, cum & Dominus noster IESVS CHRISTVS passioni proximus, haec nouissimè dixerit; Hoc est mandatum meum vt diligatis inuicem sicut dilexi vos. Deinde ad locum victimae, expleto sermone, descendit; & ligatis oculis ea parte, quam Montanus serua-re ante biduum iusserat: fixis tanquam ad pre-tem genibus, passionem suam cum oratione perfecit.

Vltima Fla-  
uijani ad pe-  
pulum ad-  
horratio.

Ioan. 15.

VITA D. MATHIAE APOSTOLI, IOA-  
chimo Perionio, Benedictino Cormaria-  
ceno auctore.

Vide Tom.  
1. C. Baroni.

**M**athias Christi Apostolus, Bethleemita-  
nus, ex tribu Iuda originem habuisse di-  
citur. Is Christum (quemadmodum ex li-  
bro Lucę qui Acta Apostolorum inscriptus est in-  
telligi potest) ab initio doctrine ac praedicationis  
secutus, nunquam ab eo postea discessit; nec tamē  
vnā cum cæteris ex communi discipulorum nu-  
mero, ad apostolicę dignitatis arcem elatus est,  
sed in locum Iudae, qui magistrū discipulus pro-  
didit ac vendidit, post Christi ascensum successit.  
Quod quemadmodum euenerit aut factum sit,  
non erit alienum exponere.

24. Februar.  
Mathiz pa-  
tria.

Cum Christus Apostolis spectantibus in caelum  
ascendisset, Apostolique & alij qui vnā aderant  
Hierosolymis, domum in qua habitabant, redij-  
serunt, non ita multo post Petrus Apostolus surgens,  
omnes qui circumstabant, numero ferè centum  
& viginti, condiscipulos conuenit his verbis;  
Scripturam impleri oportere, quam Spiritus san-

Petrus con-  
uocat disci-  
pulos nu-  
mero 120.

Ecce 4 ctus

*Psalms. 103.*

ctus ore Dauidis praxisset de Iuda, qui dicitur  
isset eorum qui Iesum Christum comprehen-  
runt. Eum quidem eundem gradum honoris  
ptum esse quem ipsi consecuti essent, sed pro  
scelere dignissimum, consecutum esse eiulmo-  
vt suspensus, diffusis intestinis omnibus, mem-  
creperit. Idque omnibus Hierosolymitanis  
compertum exploratumque fuisse, vt ager lingua-  
eorum, Ager sanguinis nominaretur. Scripsum e-  
nim esse in libro Psalmorum: Fiat domicilium eo-  
rum desertum, nec sit qui in eo habitet: Episcopi-  
tumque eius alter accipiat. Proinde in eius locum  
sufficiendum cooptandumque esse vnum ex ipsis, qui  
semper Christum vna cum ipsis, iam ex eo tempo-  
re secuti essent, cum a Iohanne baptizatus esset, et  
id temporis quod in caelum ascendisset, qui vna cum  
eis palam ac publice Christum a mortuis excitatum  
esse testificaretur.

*Ager san-  
guinis.*

*Iosephus &  
Mathias  
proponun-  
tur, vt alter  
eorum in lo-  
cum Iudae  
succedat.*

Hac Petri oratione ceteri adducti, duos con-  
tulerunt ac proposuerunt, Iosephum qui Bar-  
thas dicitur, & Mathiam de quo praesens nobis ser-  
mo est. His oblati communibus Deum precibus  
inuocantur, vt ostendere dignaretur, vtrum eorum  
vellet, in Iudae locum succedere. Cumque eis loci  
res dedissent, Mathias sorte ad Apostolatus hono-  
rem delectus est. Nec verò hoc honoris gradu in-  
dignum se praestitit. Nam cum in partitione pro-  
uinciarum, Iudae ei nutu diuino obtigisset, mul-  
tos partim doctrina, partim vita, quam integerrimam  
agebat, partim miris inuicatisque operibus, quae in  
profligandis aegrotorum morbis edo-  
bat, ad Christianam religionem fidemque tradidit.

*Mathias  
multos ad  
Christum  
conuertit.*

Quod cum Iudaei, quos ad sanam mentem  
praua deducere non potuit, acerbè ferrent, cum ad

ad Pontificem pertraxerunt, doctrinamque ei ac religionem, ut crimen, obijcere cœperunt. Ille magna fiducia præsentique animo fretus, hoc statim respondisse dicitur; ea quæ ipsi ut probra & crimina obiectarent, non longam desiderare orationem. Christianum enim esse, non criminosum esse, sed gloriosum. Cumque Pontifex ex eo quaesiveret, si tempus ac locus pœnitentię daretur, mutare se consilium vellet? Deus, inquit, prohibeat, ne à veritate, quam semel inveni ac secutus sum, aliquando tanquam transfuga deficiam. Tum cœrati populi furore, Pontifex, præter priuatum odium impulsus, eum sententiâ sua lapidibus primùm obruendum, deindè securi ferendum esse pronunciauit. Duo autem testes quos suborauerant, primi in eum lapides iaculati sunt. Ille verò lapides, testimoniij causâ, ut secum sepe iuratur rogauit; atque hoc modo beatus Apostolus ad Christum migravit 8. Kalendas Martij, Corpus eius ex Iudæa Romam primùm, deindè Roma Treuiros translatum esse dicitur.

Christianus esse gloriosum est.

S. Mathias Apostolus lapidibus obruitur.

Translatio eius.

**VITA ET MIRACVLA S. TARASII,** Archiepiscopi Constantinopolitani, eruditione & pietate insignis, ex ijs, qua Ignatius monachus, Diaconus, & sacrorum Vasorum custos, scripta reliquit. Abijt verò è vita: Anno à Christo Domino 806. multis pro fide Catholica exanimatis laboribus.

Vide Cæf. Baron. In Notat. Martyr. R. 6. & Tom. 9. Ann.

**M**agnus hic & sacrosanctus Tarasius, qui Christi humilitatem & mansuetudinem ab infantia vsq; ad senectutem pulcherrimè expressit, patrem habuit Georgium, summam apud eos qui id temporis imperabant, auctoritatem & excellentiam præditum: matrem verò Encratiam

25. Februs.

Parentes Tarasij.

Ccc 5 cratiam